

Les plus anciens documents linguistiques de la France
Corpus : (chNCh)
Responsable du corpus : NN
Édition de la charte : Bernadette Gavillet.

chNCh016

Édition critique

1278, août.

Type de document: charte: partage

Objet: Partage par Thierrri [III] de Montfaucon-Montbéliard des biens d'Amédée de Neuchâtel, de Henri de Neuchâtel, de Marguerite et d'Agnelet, enfants de Sibylle de Montfaucon-Montbéliard, petits-enfants de Thierrri, issus de leur héritage. Suivant les conseils de plusieurs personnes, dont son frère Amédée [III] de Montfaucon-Montbéliard, Thierrri stipule qu'Amédée reçoit la majorité des terres; Henri devient, pour ce qui lui échoit, l'homme-lige de son frère; et les deux sœurs obtiennent des terres au Val-de-Ruz, à Boudry et à la Côte, à l'exception des vignes, pour mille livres. Thierrri reprend les hommages précédemment reçus par ses petits-fils pour les répartir à nouveau entre eux. Il se réserve ce qui n'a pas été mentionné dans le partage.

Auteur: Thierrri [III] de Montfaucon-Montbéliard.

Sceau: sceaux de Thierrri [III] de Montfaucon-Montbéliard, d'Amédée et Henri de Neuchâtel et de Jean de Neuchâtel, prévôt de Neuchâtel.

Bénéficiaire: Amédée de Neuchâtel, Henri de Neuchâtel, Marguerite et Agnelet, leurs sœurs.

Autres Acteurs: Amédée [III] de Montfaucon-Montbéliard.

Support: Parchemin jadis scellé de quatre sceaux sur double queue; il subsiste ceux de Thierrri, comte de Montbéliard, d'Amédée et

d'Henri de Neuchâtel.

Lieu de conservation: AEN, E1 n°13.

Édition antérieure: Publication par G.-A. Matile, *Monuments...*, n° CCII, p. 169-170. Analyse par H. Jéquier, *Le Val de Travers...*, 206.

Verso: Du partage de Nufchastel et de toute la terre (XIV^e siècle).

Transcription de la charte

1 Nos, Thierris, coens de Monbeliart, **2** façons savoir a touz ces qui verront ou orrunt ces *pressantes lattres* **3** que, con descorde fust meue antre Hamey et Henri \2 de Nuefchastel, freres, anfanz dame Sebile, nostre fille, qui fui, si come de la *partie* de lour herietaige et de la *partie* a lour sorours, **4** li devant dit Hameys et \3 Henris et leurs sorours se sunt mis dou-tout outremant de faire les parties de lor herietaige sor nos, **5** et ont promis *par* lour sairemanz faiz, \4 les seintes evangiles touchies, tenir farmemant et leamant les parties de lour herietaige ensi come nos les ferons et ordenerons. **6** Et nos por la \5 pais et por le bien de lour terre, *par* le conseil de mon sire Hamey, segnor de Monfacom, nostre frere, et *par* le conseil d'autres bones genz, façons \6 et ordenons les parties de l-erietaigne es devant diz Hamey et Henri, freres, et lour sorours, Agnelat et Marguerite, an tel meniere. **7** Nos \7 disons, voluns, façons et ordenuns les parties antre les devant diz anfanz an tel meniere **8** que Hameys ait Roichafort et quanque il i ont et \8 doivent avoir, et la tenor des maisons devant et Valtravers et les signories des leus devant diz, et tel droit come il ont an la maison \9 qui fui a Soschal, de Nuefchestel, et les usaiges an bois, an prez, an chans, an pasquiers, en aigues, tex come la dite maisons les ai ahuiz jusque \10 ci, et la maison dou truel devant, et la place de la maison qui fui Turanbert le pide, et la vigne Triers-Porte, desoz la voie devers le lait, et \11 les emenaiges de Nuefchestel touz, et les forz de Nuefchestel, an-tel meniere que on n-i puet faire autres forz mas-que ces qui i sont establi, et \12 la moitié des vantes de Nuefchestel, de foires et de *merchiez* et de touz les jourz, et la moitié dou vin des tarraiges et des çansses et des autres ran \13tes de vin, et la moitié des vignes, ensi come nos les comanderons a partir; **9** et touz li remenanz de

Nuefchestel et dou finaige, et li molin de Sarrie^{\14}res demoure Henri an nun de partie. **10** Et de ce et dou remenant de tote sa pertie est antrez li diz Henris an l-omaige lige de Hamey, son frere. **11** Et les ^{\15} homaiges des gentis-homes *qu-il* ont receuz, voluns *qu-il* soient *quitié* et *qu-il* soient an nostre mein por partir a nostre volunté, et cil et li autre. **12** Et dou ^{\16} remenant *qu-il* doivent avoir, *que* nos ne avons nomey an ces parties, voluns *qu-il* soit a nostre esguart ou a l-esguart de nostre comandement. **13** ^{\17} Les sorours es diz freres, Agnelaz et Marguerite, ont por lour parties ce *qu-il* ont ou Val de Rue, le tout, guaigiere et erietaige, et Baudri ^{\18} et la Coste, fuer les vignes, por mil livres de lossannois. **14** Et disons que Hameys soit avouez et gardeins de l-iglise de Nuefchestel. **15** Ou tes^{\19}moignaige de ceste chose, nos, Thierris, coens de Monbeliart, Jehanz, prevoz de Nuefchestel, Hameys et Henris, frere devant dit, avons ^{\20} mis noz saes an ces pressantes lattres. **16** Ce fui fait l-am que miliaires des anz de l-Incarnacion Nostre Signor corroit per mil ^{\21} dous cenx et sexante et dix et ·VIII. anz, ou mois d-aoust.